

四庫全書

子部

欽定四庫全書

六藝之一錄卷三百六十二

錢唐倪濤撰

歷朝書譜

明

周砥

周砥字履道姑蘇人性字閒靜學藝淹博行草書運

筆分行勻穩

書史會要

周砥效東坡書甚工

姑蘇志

詹解鳴於朝盧

熊

周

砥

鳴於野朝者乃當讓野

祝允明書

述

周履道詩簡

周東臯與陳惟寅詩帖

見式古堂書畫彙考

盧熊

盧熊洪武初名儒通篆籀學嘗為兗州知州既視篆

具奏印文充字誤類衮上不怡幾被禍後卒坐累

東水

記日

盧公武遨遊陽羨帖行草書

見式古堂書畫彙考

盧熙

盧熙字公暨熊弟博學好古善楷法洪武初以薦授

睢州同知

張大復崑山人物傳

劉永之

劉永之字仲修清江人詩文清麗古雅為當時所重

工書法篆楷行草皆有師承家富於貲賒貸施數郡

仲修獨泊然布素日靜處一室以書籍翰墨自娛

東里

集

劉仲修書贈方壺道士詩

仲修劉先生文章識量節概凜然不慕聲利國初徵
集賢禮書當拜官以贖辭宋公景濂極畏服之其平
生交友若季大父求我禮部侍郎曾公得之文學掾
金公守正皆鄉里莫逆也今劉先生無後人曾氏亦
落莫獨予家藏其手書若干本數年去家亦不知存
否矣此其為金公書贈方壺道士詩金公令子幼孜
寶藏每以示余為好事者持去情不能已遂俾書之

并識歲月傳之後世古人交友之際可以想見也

春
雨

劉仲修遺墨

仲修先生詞翰之美獨步江右先生初不自貴重有求者輒與之世俗亦不知其可寶先生沒後數年而擅斯美者殆不多見矣故片楮寸墨士大夫莫不秘襲之以為久遠之玩焉嗚呼文章翰墨自有定價固有忽乎近而貴乎遠者矣矧先生之節行有足以高

世者邪然則區區字畫之工蓋其淺者爾邑庠錢伯淳氏得先生所書蘇文忠雜說二而無題識懼歲月之久而或泯其自也謁余識之余因慨慕先生之風而恨其不可作者遂不辭而書其後亦以見先生之可貴者此特其萬一耳

王佐金川
玉屑集

袁養福

袁養福字能伯吳郡人國初為福建憲史有詩名精

於書法

靜志居
詩話

袁能伯書郭有道碑文

前輩下筆便有典刑雖行草不苟况正書乎此吾徒
所當愧者袁君養福元石洞山長靜春先生之孫也
而郡學教授仲長之子所書郭有道碑文端勁清峭
深得歐陽率更筆意以其字畫之妙如此宜有書名
于時然吳人固不知有袁養福也使余不知此幅亦
幾失之乃知前輩能書者尚多而失之者不少矣其
曾孫杲字以昭者持示余請題一言以昭之意在乎

先世手蹟耳初不計其書之何如也養福字能伯仕
國初為福建憲史高太史季迪有詩贈行而陳檢討
嗣初稱其行潔負才氣有詩聲蓋不特能書而已其
書碑文外又有九歌藏於家

匏翁家
藏集

鄭定

鄭定字孟宣閩人善擊劍工古篆隸書洪武中舉明

經為延平訓導永樂中遷國子助教

吾學
編

定以草書名天下甚為解學士所稱許

書史
會要

解泰

解泰字李通一字成我吉水人絕意進取究竟六籍旁搜百家尤善楷書不效妍媚方正嚴重類其為人

洪武初累辟不起

解學士集

金鉉

金鉉字文鼎別字尚素華亭人自幼嗜學致孝其母洪武中徵至京師有欲薦其才者懇以母老辭為人瀟灑絕俗喜吟咏有古詩人風作書畫皆極造詣

東里

續集

鉉工章草

書史
會要

金純

金純字汝礪鉉子官至中書舍人精楷書章草

書史
會要

陸闓

陸闓字伯陽興化人洪武中任為楚府伴讀長於詩

兼工書法極力鍾元常王逸少父子曰去此非第一

義

東里
集

羅性

羅性字子理以字行江西泰和人洪武初詔郡縣立學聘為學師四年中鄉試授德安同知書法鍾元常

開國
臣傳

楊盾

楊盾字嗣慶吉安人學有根柢行端謹妙於詩文洪武中以孝廉文學善楷書舉皆不赴以纂修起亦不就取足壘畝襟抱灑然卓然陶潛徐穉之風

開國
臣傳

吳宏

吳宏饒州餘干人仕陳友諒為行省參政上取江州
遂全城來降以功拜中書左丞後遷親軍指揮涉獵
經史能詩工書奉母至孝見重於士大夫

開國
臣傳

張矩

張矩字孟方其先廣陵人徙家崇安得屏山先生遺
書讀之遂通五經所書諸體皆精絕國初以薦為訓

導

書史
會要

馬兼善

馬兼善會稽人元季寓居華亭洪武初由明經任松

江訓導工行草

書史
會要

鍾弼

鍾弼善隸書洪武初為會稽主簿

書史
會要

張翼

張翼字飛卿作行草書鳳舞鸞翔人以為不可及

開國

臣傳

蕭質

蕭質字謙用洪武八年為永新學正詩有唐人風致

又喜作草書變化適勁能步武羲獻

烏斯道春草齋集

孔訥

孔訥字言伯宣聖五十七世孫襲封衍聖公能詩工

篆法人得之者皆傳誦誇美相貴重

胡儼頤菴文選

宋季子

宋季子以字行家於臨川為詩文有法且留意於隸

古之書所獲漢魏諸碑刻必夙夜潛玩三走鄱陽見
伯誠先生歐君復悉以作隸之法授焉復從龍虎山
中質諸方壺翁從義翁於是學大進遂以善隸書知

名

宋瀛重校漢
隸字源序

季子善草隸洪武中為周府奉祠

金谿人
物志

桂衡

桂衡字孟平睦人洪武中為錢塘儒學修業齋訓導

遷山東轉谷府奉祠詩文字畫皆有可觀

水東
日記

桂孟平剪燈新話歌

見式古堂
書畫彙考

陸行直

陸行直字季衡吳江人洪武中以人才授翰林典籍

書史
會要

行直善書

詹氏
小辨

楊曜宗

楊曜宗晉江人洪武中以明經薦授晉江訓導累遷

韓府長史善古文書法

歐大任清
源文獻

徐定

徐定字弘道永嘉人工隸楷洪武庚午中應天鄉試

擢親王府紀善改監察御史

東里續集

鄭濟

鄭濟字仲辨浦江人授業宋太史為詩文書法得晉

唐諸體洪武癸酉召授左春坊左庶子

鄭柏賢達傳

鄭燧

鄭燧字允資濟從姪歌詩俊逸尤工楷書

賢達傳

陸宗善

陸宗善字尚訥華亭人洪武中以碩學高行舉於鄉

再令劇邑為詩流麗雄偉字畫亦清勁

華亭志

劉朴

劉朴字子素吉水瀘江人少有志節耿介絕俗其書

清勁灑落為文章詩歌古雅典則洪武二十年試翰

林得官客死京師

解學士集

楊燾

楊熺字尹昭縉雲人洪武戊辰進士除刑部主事轉御史以清直著名工詩文及晉書法學者宗之

括蒼志

任勉之

任勉之字近思華亭人登洪武甲戌進士官至睢州

知州文學楊鐵崖書學米南宮而不以自名

顧清松江志

俞仲幾

書史會要作仲基

俞仲幾其先河南人居上海竹岡工書與宋克相友

善

松江志

劉理

劉理字彥銘先世從開封徙金陵洪武中以善篆書
為中書舍人 劉素字太初理之子永樂中以正書
選入翰林供奉久之命繼父為中書舍人 劉良素
之子亦以能書薦修宣廟實錄劉思敬存
徵續集 顧起元
客座贅語云三世能書皆官中書舍人

錙恕

錙恕字如心洪武間為福建某驛丞歸隱越山之西

喜為古文及篆隸章草

靜志居詩話

黃采

黃采字宗素號一齋嘉定人洪武中貢之國學授御

史陞兗州知府書法趙承旨

詹氏小辨

黃壽

黃壽字永齡采子亦能書

書史會要

王洪

王洪撫州人詹景鳳云洪武中有撫州王洪者作小

字勻淨成家

謝林

謝林字瓊樹好學工文詞尤精真行篆隸書著字學源委五卷以正近代六書之繆洪武中用薦為新鄭

教諭

孫偉德
毘陵志

張紳

張紳字士行山東人負才略談辨縱橫能作篆書

史書

會要列朝詩集云字仲紳洪武中為浙江布政

張紳工大小篆精於賞鑒法書名畫多所品題撰法

書通釋一卷自稱雲門山樵亦稱雲門遺老

靜志居詩話

張紳元賢翰劄疏

見式古堂書畫彙考

薛穆

薛穆字公遠號澹園洪武中為柳州通判能詩文善

楷書

書史會要

林瑜

林瑜字子潤號後山漳之龍崗人洪武中以太學生

擢五軍斷事終浙江參政能詩文善書法

書史會要

董紀

董紀字良史號一槎上海人洪武中任江西按察僉

事善草書

書史會要

周淵

周淵壽昌人洪武中為中書舍人累官四川參議善

楷書

書史會要

薛績

薛績字汝嘉吳江人善書

書史
會要

范禮

范禮字宗嗣常熟人真草篆隸皆能

書史
會要

顏慤

顏慤字存誠慈谿人官司經局正字真草篆隸俱工

書史

會要

吳均

吳均字平仲善書法

書史
會要

馬攷

馬攷字彥強吳江人善書洪武中嘗受薦不仕

吳中人物志

彥強從詹孟舉遊名山觀前人碑石議論筆法小楷

歸宗晉唐後自別門閥精絕可愛

書史會要

龔炯

龔炯字延璋晉江人刻志為學詩文為當時所稱書

翰遒勁端嚴得歐陽率更筆意洪武中應薦以親老

乞歸

八閩通志

黃昶

黃昶字叔暘義烏人以明經舉於鄉宋濂纂修實錄

以工書服勞史館事竣受命伴讀齊府

劉基犁
眉公集

劉爆

劉爆字彥正鄱陽人常為嚴之建德令留意篆學歷

年之久靡不貫通

宋濂篆韻
集鈔序

張翼

張翼字翔南其先睦人徙居檇李博學強記屬文敏

捷好為奇澀語而切於理正書宗晉

書史會要

翼書大字如斗終日揮灑不倦蓋其所長也

吳中人物志

沈宗學

沈宗學字起宗隱於煉墨自號墨翁博學善書能作

徑尺大字詹孟舉評其書兼歐虞顏柳有冠裳佩玉

氣象子貴成字志道亦博學能書

吳縣志

許鳴鶴

許鳴鶴字暨廣廬陵人官中書舍人受業詹孟舉之

門行草沈著可愛

書史會要

沈世遠 何琮

沈世遠何琮皆不知爵里大抵洪武初人多法趙

詹氏小辨

謝章

詹同謝章隸書歌云君不見天雨粟泣魑魅蒼頡制字

洩天祕蚪蚪之文久茫然史籀秦斯兩相繼大小二篆

生八分此後六書從簡易邕邈隸字近古淳義旭行草

紛如雲謝章讀書隸更好使我見之過所聞不求妍巧

自竒拙禹鼎周彝文斷缺連昌宮中墜井釵赤壁江底
沈沙鐵魚魚雅雅雖畫深一字豈但值百金冠冕佩玉
古君子天生古貌多古心春蚓秋蛇世交錯嗟我毫端
久荒落墨池風暖白日長正欲相從謝章學

天衢舒嘯集

陳元達

宋漁耘菴銘曰良鄉丞陳謙嗜學弗倦慨然有志於事

功陳翰林元達以飛白書其憩止之室曰耘菴

宋漁翰苑別集

胡朝翰

方孝孺默山精舍記云余年十七八侍先君守濟寧
壽昌胡君朝翰自太學來分教魯諸生能為詩執筆
作行草書蜿蜒滿紙余私敬愛之

遜志齋集

陳遠

陳遠字中復一字中孚從中書左丞韓伯高受易工

書法有晉人風度太祖時為文淵閣待詔

張時徹寧波志

陳孟顥

陳孟顥中復子善書

吾學編

胡翰

胡翰字仲申金華人太祖召見除衢州府教授洪武乙酉纂修元史書成賜白金文綺辭歸卜居長山之

陽學者稱曰長山先生

應廷育金華先生傳

王世貞國朝名賢遺墨有胡翰書

弇州續藁

王廩

王廩字希陽麗水人洪武初薦入翰林修史書成授太子說書累官至陝西左布政字宗韓擇木兼精篆

隸

何鏜括
蒼志

焦伯誠

焦伯誠華亭人潔身修行教授於鄉通五經尤工於

書

松江
志

朱應辰

朱應辰字文奎與楊維禎游洪武初辟郡掌教為文

煩而不猥詩工長句篆籀法古嘗命書符印

開國
臣傳

烏斯道

烏斯道字繼善慈谿人文尚體要尤長於詩兼精書法小楷行草各臻其妙國初薦為江西永新令

陶琛 陶繼

陶琛字彥珩有文學洪武初以薦為儒學官志尚高潔工古篆書多得籀法子繼字伯承枝江知縣亦

有能書名

皇甫汾
長洲志

盧充穎

盧充穎字次農熙子文學得於家傳以能書薦留誥

司

蘇州志

李汶

李汶字宗茂博學多才善漢隸國初召為史館編修
與修元史授巴東南和令晚年歸隱鄉里扁其所居
曰兼山艮所號石泉翁嘗集蔡邕書成四言古詩以
訓其子寧門人張中謂其結體適勁筆勢飛動若長
鎗大戟交馳其壯且武也若商彝周鼎之銘其文甚

古也

李蕙太
平府志

胡泰

胡泰字志同號雲松巢洪之南昌人善真草書能文

洪武初寓居萬載縣之涂泉

吳敬萬
載縣志

黃瑛 黃銓

黃瑛字良潤一字玉田句容人洪武初由明經及字

學授應天府學教授益苦學書法造詣精妙 子銓

字衡可洪武間亦以字學選入翰林

江寧
府志

袁復

袁復字仲仁博學工文尤善晉人書法國初為大理

少卿

寶應志畧

陳昇

陳昇國初以能書舉為吏部主事

寶應志畧

陸顥

陸顥字伯瞻閬之弟洪武中由明經辟舉任禮部主

事永樂中奉勅建湘獻王碑屢獻詩文字畫太宗以

三絕稱之

興化志

沈元素

沈元素古田人元初赴都寫金字經授福州教授後
謝歸洪武初舉授古田學訓書篆琴書皆工後擢僉

憲

劉曰陽
古田志

劉楫

劉楫字子川吉水人善楷書有才名洪武三年以明

經徵授部主事遷工部主事

周廣吉
水縣志

張宗華

張宗華字穎之沙縣人清介絕俗博學善文詞尤工書法為時所重評其書者謂如秋雲捲雨蒼石纏藤
洪武中以懷才抱德舉詔再徵以老辭

譚耀沙
縣志

鄭煜

鄭煜字宗晦鄭杓子洪武中辟興化縣訓導天才逸

出長八分書

閩書

吳懋

吳懋西安人洪武初以蘇州知府左遷大冶知縣工

楷書

湖廣
總志

俞友仁

俞友仁錢塘人洪武辛亥進士為襄陽縣學教諭博

通經史善草隸書尤工於楷

湖廣
總志

吳存

吳存南昌人洪武初領鄉薦授刑部主事歷湖廣參

政有才名善吟咏長於草書

湖廣
總志

葉昭

葉昭字子宣星子人通經術能詩文善隸古洪武初

為南康府訓導

林庭棉江西通志

章復

章復江西鄱陽人有學行能文章尤工書翰洪武初

為全州知府

程廷珙廣西通志

林奐

林奐字元美懷安人閉門讀書書法道美國初被薦

於有司以贖眊辭

閩書

粘鵬

粘鵬字時舉武邑人工於詩辭尤善草書篆籀洪武

庚午舉人除四川閬中教諭取入翰林

黃試武邑縣志

朱吉

朱吉字季寧崑山人洪武中被薦授戶科給事中以

善書改中書舍人遷翰林侍書出為湖廣按察僉事

崑山人

物傳

朱定安 朱永安

朱定安字士隆吉長子精楷書尤工古篆得周伯琦
筆法嘗積其書草瘞之名篆家

方鵬崑
山志

定安弟永

安字士常博學工詩文善真草書得晉人筆法嗜古

書購蓄甚富

同上

劉敏

劉敏字孟功長洲人洪武中薦授德清知縣後以善

書薦徵入翰林拜中書舍人

蘇州
志

章炳如

章昞如能詩善楷書仕至中書舍人

松江志

徐濟

徐濟蘇州人洪武中知邵武府工楷書

邵武志

胡時

胡時字子俊上杭人善詩工楷書洪武間授本學訓

導

伍晏汀州志

林觀

林觀字用賓閩人洪武中隱居不仕善隸書

閩書

屠仕

屠任嵗人家貧力學善詩文兼精篆隸洪武間任蕭

縣訓導遷河南武陵縣知縣

紹興志

嶽彥高

嶽彥高號雪樵蒙古色目人太祖時為雲陽令免官

流落江湖因家武塘精懷素草書

章士雅嘉善志

顧孝淵

顧孝淵以孝友稱善草書宗雪樵後從事藩府以註

誤遷文安

倪璣嘉善志

胡璉

胡璉洪武中以楷書任工部主事

鳳陽縣志

鄭金

鄭金字公濟常熟人洪武二十四年由明經授大理

評事進監察御史陞廣東按察使改福建能詩善書

翰

鄧穀常熟志

吳原順

吳原頤宣城人博學明經善詩文隸書洪武間為寧

國府訓導歷國子博士致仕後應召修書成乞歸

分省

人物
考

芮麟

芮麟字志文宣城人洪武間知台州府謫戍邊後以
薦知建寧府為政有古循吏風且好學不倦尤善楷

書

分省人
物考

王佐

王佐定遠人篤學好古凡法帖名畫多能鑒定善虞

世南書洪武時以才為鎮撫

開國臣傳

吳植

吳植字子立嚴州人以處士徵授藤州知州自號白

玉壺善草書

嚴州府志

都嗣成

都嗣成字文信善書有晉人筆意自號省菴

吳縣志

徐彥裕

徐彥裕華亭人工草書善騎射

松江志

楊仁壽

楊仁壽號漁隱天台人寓松江字學鮮于樞得其風

韻

松江志

金穎伯

金穎伯從俞紫芝游邃於經學工書為人清介雅飭

秀水

志

李善

李善字性初宜山人結茅隱居精楷書逼真晉人

王

炳慶遠

府志

張穀

方孝孺感舊詩云杯酒論心有幾人天台張穀舊相

親近來詩句多奇語書比藏真更絕倫

遜志齋集

方孝孺

方孝孺字希直一字希古寧海人洪武二十五年擢

漢中教授蜀獻王聘為世子師為名其讀書之廬曰

正學皇太孫即位召為翰林博士進侍講尋陞學士

靖難時以死殉

吾學編

希直不以書名而剛方不折之氣流溢筆墨間

弇州山人

藁

徐輝祖

徐輝祖中山王長子初名允恭太祖賜名輝祖嗣魏

國公嘗侍懿文太子學通經書大義從唐希元學書

善書大字建文君特見信任文皇即位勒罷幽繫卒

吾學

編

陳性善

陳性善名復初以字行山陰人洪武十八年進士授
行人司副改翰林檢討善楷書名書御前他中書見
上威嚴顫不能筆獨性善動止端詳稱上意賜酒留
禁中竟日累遷禮部侍郎靖難兵起以副都御史監
軍靈壁與彭與明等皆見執朝衣而沈河

吾學編

鄭恕

鄭恕字本忠仙居人能賦詩善書畫好古博雅家甚
貧一介不妄取日與生徒講論經理高風勁節一時
敬嚮寧波知府禮聘為昌國訓導未幾知蕭縣靖難
師破蕭恕死之

吾學
編

王艮

王艮字欽止吉水人建文時進士官翰林修撰為人
正身飭色不可玩狎詩詞警永字畫精妙為文雄偉
光彩燕兵渡淮服腦子卒

吾學
編

龍鐔

龍鐔字德剛萬載人問學該博長詩文善草隸洪武中為浙江按察使謫知長洲縣尋陞晉府長史靖難

師起不屈死

吳敬萬載縣志

董倫

董倫字安常恩縣人僑居宛平質直有文學從游者稱為貝川先生洪武十五年徵為右贊善建文即位

拜禮部侍郎兼翰林學士

山東通志

董倫篆宗周左丞

書史
會要

唐之淳

肅子

唐之淳字愚子以字行博聞多識為文蔚贍有俊氣

長於詩而善筆札洪武中屢有欲薦之者謝不就建

文即位召拜侍讀預修書事

遜志
齋集

周昉

周昉字元亮號草庭讀書樂道以古人自期詩文典

雅作小楷得晉人筆意

杭州
府志

程輅

程輅字伯衡江西新城人精書札尤長篆隸號東臯

處士

新城縣志

姚廣孝

姚廣孝長洲人幼名天禧至正間為僧名衍字志道

好讀兵書尚謀畧兼為詩學書靖難後為太子少師

贈榮國公謚恭靖

吾學編

廣孝書法古雅全以筋勝

書史會要

姚少師書劉太保詩

元劉太師詩一絕國朝姚少師所書也劉姚俱隱於僧劉瑞州人名子聰號藏春居士改名秉忠佐世祖建號立國為國朝驅除今京都地是也姚蘇州人名道衍號逃虛老人洪武間以高僧徵事文廟潛邸參謀贊成大業其改名廣孝世傳以為御筆所定也兩翁雖遭際不同跡頗相類觀姚書劉作有契會之意焉陳錦衣用明持以視余兩翁皆天下奇士其學余

則不能知後有具法眼者不知作何等觀也姑書此

以俟

懷麓堂集

姚少師詩翰 逃虛老人五言詩帖

見式古堂書畫彙考

姚繼

李東陽云少師一帖小楷書稱姪繼代書少師賑濟

還吳見酒帘字問知一少年書呼而見之養以為子

太宗官之至太常少卿是代書此跋者也

懷麓堂集

解縉

解縉字大紳吉水人自幼穎悟絕人洪武二十一年
進士授中書庶吉士文皇正位雅聞縉名召置左右
進侍讀學士其文雅勁奇古逼司馬子長韓退之詩
豪宕豐贍似李杜書小楷精絕行草皆佳

列卿記

天子愛惜其楷書至親為之持研

任亨泰解學士文集序

縉學書得法於危素周伯琦其書傲讓相綴神氣自
倍有農家陸穎者善縛筆縉欲作佳書必得穎筆

吾學

編

縉狂草名一時然縱蕩無法正書頗精妍

書史會要

解大紳寄胡端方古詩草書 解春雨書學傳授譜

解大紳書前後赤壁賦解禎期臨蘭亭序合卷

見式古堂

書畫彙考

解大紳書筆舫銘

筆之用於世久矣自韓文公作毛穎傳其名始起文字間吳興張文寶國初業擅製造因名其舟當時士大夫多為詩文遺之而學士解公大紳特為作銘蓋

公之書妙固資其用而賞之也文寶之孫士行僑居
吳中能傳其業持公銘文求余題識余以文字為職
而亦資其用者惜書不若解莫能賞其妙而文不若
韓可以增重其名然念毛穎之功不可負而士行之
意不可拂也聊題數語歸之

匏翁家
藏集

解大紳墨蹟

永樂時人多能書當以學士解公為首此冊真行草
小楷皆具而紙墨並佳故其下筆圓滑純熟尤為得

意乃公傳家物也觀公前後題識所以示其族人者
可見今為吾鄉薛朝英得之朝英保愛甚其亦識公

之意者歟

鮑翁家
藏集

學士解公才名蓋世其翰墨奔放而意向特謹嚴如
此卷前輩正自可敬也姚文學文光攜示閱之累日
不忍釋手別有李文正吳文定王文恪三跋正為此
卷乃知為薛二守朝英物今為南翔張子奇所藏可

寶也

陸儼
山集

解春雨書黃庭經

解春雨才名噪一時而書法亦稱之能使趙吳興減價百年後寥寥乃爾然世所多見者狂草其所以寥寥者亦坐狂草故今此紙小楷黃庭全摹臨右軍筆婉麗端雅雖骨格少遜要不輸詹孟舉陳文東也按右軍所書黃庭是外景非內景與南真所傳楊司命者雖理同而句字小異亦微有斷缺當是渡江以前南真受之景林真人者偶爾逸出行世故右軍得而

書之今大藏中內外景經則陶貞白訪尋司命手書
的派也數年內與黃長睿分析甚苦今可以無辨矣

弇州
續藁

解大紳寄胡端方古詩

胡端方端慎昆仲為國初偉人子孫凋落余言之石
樓徐公彰表其門公赴內召其四世孫胡汝升德公
不置乃出學士春雨所書寄其先者納公行李二公
為學士門人居室相望是書藏之已久徐氏子孫當

知所重矣端方先生舊按浙安知精神不來往蘭陽
之間乎吏部員外郎同邑後學鄒元標敬書

式古堂
書畫彙

考

解大紳解禎期合卷

解學士文章翰墨獨步一世今觀所寫赤壁二賦筆
法精麗深有晉人風致東里少師謂其小楷第一信
然若禎期所書比之王謝家子弟風流似有間耳成
化辛丑正月甲午後學吳下李應禎謹識

是卷翰墨迺貞襄公所珍愛而時用所寶藏者出以示予把玩不能釋手因附姓名歲月于末弘治戊申夏五會稽魏瀚拜書

吾吳中前輩人物推范菴李少卿為第一其翰墨珍重於海內猶夫解學士之在江右也其品題數語約而盡予復何言展卷莊誦如覩羹牆耳矣嘉靖丙辰後學張寰識

解禎期

解禎期縉之從子也以善書選天下第一仁宗召為

中書舍人

吾學編

禎期書疎雋不失春雨門風

王世貞續名賢遺墨跋

趙毅

趙毅字致遠汝陽人洪武末年以儒士薦授工科都

給事善屬文工草書永樂中為工部左侍郎

列卿記

王景

王景字景彰松陽人洪武初起家懷遠教諭建文召

修高廟實錄為翰林侍講靖難後進學士博學能文

章善書

松陽志

王達

王達字達善無錫人初以明經授訓導入補國子助

教成祖登極與修洪武實錄擢編修進侍讀學士

列傳

記

王世貞國朝名賢遺墨有王達書

弇州續藁

鄒緝

鄒緝字仲熙吉水人洪武庚辰進士除星子縣訓導

永樂初入為翰林檢討歷官左春坊左庶子

吉水縣志

鄒緝自號素菴精楷書

書史會要

陳洽

陳洽武進人淹貫經史謹敏有才識洪武中薦布衣
善書授兵科給事中累官兵部尚書鎮交趾贈少保

謚節愍

吾學編

許廓

許廓字文起襄城人建文乙卯領鄉薦永樂中為工

部侍郎隨成祖北征進行在兵部尚書

列卿記

廓善書翰

書史會要

梁潛

梁潛泰和人洪武二十九年鄉舉歷訓導知縣靖難

後召修實錄成陞修撰尋兼贊善

吾學編

王世貞國朝名賢遺墨有梁潛書

弇州續藁

朱勇

朱勇字惟貞鳳陽人永樂時襲封成國公贈陰平王

謚武愍善大字

書史會要

高廷禮

高廷禮初名棟字彥恢長樂人自號漫士永樂初自布衣召入授翰林待詔遷為典籍博學能文工書畫

所選唐詩品彙唐正聲行於世

吾學編

廷禮書得漢隸法

閩書

王紱

王紱字孟端無錫人少為弟子員永樂初以善書薦

供事文淵閣拜中書舍人

常州府志

王尹實

王尹實四明人永樂時以篆書擅名海內

書史會要

貝泰云官翰林中書

王偁

王偁字孟敷長樂人洪武中領鄉薦永樂初以薦授

翰林檢討學博思深行草類蘇子瞻

閩書

王尹實王偁以草篆鳴於時

鐵網
珊瑚

宣嗣宗

宣嗣宗字彥初嘉定人永樂三年詔郡縣舉楷書士

彥初既命從中書舍人書誥勅無幾簡從事翰林諸

學士皆重之宣德初為吏部員外郎

東里
續集

王璡

王璡字汝玉以字行號青城山人其先蜀之遂寧人

從父宦游占籍吳中官翰林檢討直內閣贈太子賓

客謚文靖小楷行書法晉人皆雄秀

詹氏小辨

王璉

王璉字汝器官至翰林侍講從宋景濂學詩文古雅

亦善書與弟璉齊名

書史會要

夏杲

夏杲字仲昭崑山人舉進士為翰林庶吉士以工楷

法得幸文皇帝命書宮殿榜授中書舍人累官太常

寺卿

王世貞吳中
性哲像贊

夏曷

夏曷字孟暘太常卿仲昭之兄能書初未知名洪武
季年為永寧丞謫戍雲南永樂乙未仲昭以進士簡
入中書習字上臨閱稱善仲昭頓首謝因言臣兄曷
亦能書召試稱旨命與仲昭同拜中書舍人時稱大

小中書

甫田集

楊文遇

楊文遇官翰林學士善行書

書史會要

朱孔易

朱孔易名寅以字行華亭人永樂初以能書被選成祖嘗召書大善殿榜稱旨授中書舍人累官順天府

丞

松江志

永樂初詔求四方善書士寫外制又詔簡其尤善者於翰林寫內制且出秘府古名人法書俾有暇益進所能於時孔易兼工署書駸駸希元矩度風韻偉然傑出也一日上御右順門召孔易書大善殿扁舉

筆立就深荷嘉獎即日授中書舍人明日有旨凡寫
內制者皆授中書舍人蓋善書授官自孔易始後北
京宮殿成禁扁皆孔易書遂陞編修孔易歷事四朝
皆以法書被知遇陞春坊中允

東里續集

朱銓

朱銓字士選族兄孔易以楷書鳴當世銓從之遊得

鍾王筆法太宗選寫金字經入翰林終刑部侍郎王

誥

等江寧

縣志

朱奎

朱奎字文徵孔易子亦工署書成化中為大理卿

松江

志

陳登

陳登字思孝長樂人舉才學為浮梁丞永樂甲申詔吏部簡能書者儲翰林思孝以篆籀最先至時吳中滕用亨待詔翰林工篆籀自視天下無愈已者且恃春秋高輕後進往往折屈之稠人廣坐中思孝就用


亨語之戾許叔重者十數事相辨難用亨乃始默默
不復自矜時四明王尹實篆書擅名海內考據精博
亦推讓思孝思孝於六書本原精考詳究周秦以來
石刻雖殘缺剝落歲月氏名無可考審度其出某代
某人率中七八其收蓄之富歐陽文忠趙明誠之後
所僅見居翰林十年擢中書舍人朝廷大扁率出其
手四方求者無虛日

東里集

陳景隆

陳景隆登之孫舉進士官監察御史能世其學

書史會要



六藝之一錄卷三百六十二

欽定四庫全書

子部

六藝之一錄卷三百六十三

詳校官中書_臣陸 湘

自外郎_臣牛稔文覆勘

總校官檢討_臣何思鈞

校對官中書_臣陸 湘

謄錄監生_臣朱上林

欽定四庫全書

六藝之一錄卷三百六十三

錢唐倪濤撰

歷朝書譜

明

金幼孜

金幼孜名善以字行中進士乙科授戶科給事中太
宗初臨御改翰林檢討累官禮部尚書武英殿大學
士謚文靖其學該博文章和平寬厚類其德性書兼

工真行

東里集

胡廣

胡廣字光大吉水人建文初以進士廷試稱旨擢第一易其名曰靖授翰林修撰文皇履極遂進侍講仍復舊名累官文淵閣大學士謚文穆為文援筆立就修高皇帝實錄五經四書性理大全尤工書法行草之妙獨步一時

列卿記

上次玄石坡登頂製銘刻石命光大書玄石坡立馬

峰六字書無巨筆細鈎以小羊毫次捷勝岡上令光

大書捷勝岡於石上多雲母石并書刻曰雲母山

煙雲

過眼錄

胡文穆善真行草名不及解大紳而遇過之北征諸

鎮皆其勒石

金石考

胡光大草書杜詩

三十年來士大夫以書名家者光大之行草民則之
八分皆獨步當世兩人時同在禁林亦交相推慕嘗

出所有以易所無此詩光大為民則書跌宕雄偉得意之迹也作書必盡臨池之工而非天趣自得不臻於妙二公皆有蕭閒簡遠之趣故高出衆作光大謝世已一紀民則間出此書見示昔人有言懷舊惟顧念之悽愴蓋僕於光大亦然

東里集

楊士奇

楊士奇初名寓以字行泰和人建文初以名儒薦徵授教職太宗靖難後改編修入直文淵閣累官少師

華蓋殿大學士贈太師謚文貞

吾學編

士奇善行草筆法古雅而少風韻

書史會要

楊文貞崑山圖記帖

見式古堂書畫彙考

楊文貞書宣宗御製詩

宣宗章皇帝之在位也天下晏然號稱至治亦惟有
若少師楊文貞公實左右之今四十年矣一時君臣
既不可見而獨見文貞手書御製詩慨想當時明良
相逢之盛一德一心雍容和樂幾事之餘發於聲畫

蓋與虞舜作歌臯陶賡歌同一意也嗚呼休哉是詩
今為都御史錫山楊公所藏翰林修撰臣寬獲覩而
謹識之時成化九年夏四月辛未也

鮑翁家
藏集

楊榮

楊榮字勉仁建安人初名子榮建文二年進士授編
修文皇履極更其名榮簡入內閣累官工部尚書謹

身殿大學士加少師謚文敏

列卿
紀

榮楷書姿媚動人

書史
會要

楊文敏久雨喜晴詩帖行草書

楊少師郊祀詩二首

式古堂書
畫彙考

楊溥

楊溥字宏濟石首人中庚辰進士授編修永樂二年
轉司經局洗馬歷官至少保武英殿大學士謚文定

列卿
紀

溥行楷俱法趙文敏公

書史
會要

楊文定遊正陽門詩帖

見式古堂
書畫彙考

蹇義

蹇義字宜之四川巴縣人洪武乙丑進士授中書舍

人永樂二年命兼詹事累官吏部尚書謚忠文

列卿紀

義善書成祖手授金龍文牋命書外國詔偶落一字

奏曰臣敬畏之深輒復有此上曰朕亦有之此紙艱

得姑註之耳對曰示信遠人豈以是惜上深然之復

授以牋更書之

陳沂畜德錄

夏原吉

夏原吉字維喆湘陰人領鄉薦升國子生例入禁廡
書誥勅太祖見其字格方正賜緋衣一襲復遣人察
諸生所為惟原吉端坐正書竟日不色惰上心念之
書滿授戶部主事擢侍郎太宗入定大統進尚書贈

太師謚忠靖

懷麓堂集

原吉善楷書雖神骨少合晉度筆勢適媚亦有可觀

書史

會要

胡儼

胡儼字若思南昌人幼好學若書琴詩文皆有傳授
洪武丁卯舉於鄉授華亭教諭文皇聞儼名召試之

永樂二年拜祭酒

列卿紀

儼文辭妍贍精於草書

書史會要

儼行書矯健而蒼楷書精熟而整

詹氏小辨

沈度

沈度字民則華亭人少力學善篆隸真行八分書洪
武中舉文學不成就祖擢為翰林典籍一時翰林善

書如解大紳之真行草胡光大之行草滕用亨之篆
八分王汝玉梁用行之真楊文遇之行皆知名當世
而胡解及度之書獨為上所愛凡玉冊金簡用之宗
廟朝廷藏祕府施四裔刻之貞石傳於後世一切大
制作必命度書度書婉麗飄逸雍容矩度八分尤為
高古渾然漢意累官翰林學士

東里集

太宗徵善書者試而官之最喜雲間二沈學士尤重

度書每稱曰我朝王羲之

李紹文皇明
世說新語

沈度臨樂毅論

沈學士度以書鳴永樂中楊文貞公謂其婉麗飄逸
雍容矩度一時翰林善書者如解胡輩與之齊名而
度書尤為上所愛凡一切大制作必命書之今觀其
所臨樂毅論無一筆不合右軍遺意解之草法胡之
行體殆不能及也

陸樹聲學
士題跋

沈氏則書先賢格言

此蓋翰林學士雲間民則沈先生書宋南軒先生之

言為余南京太常少卿行時贈者也因憶先君子知
上高縣事時亦嘗搨朱文公書是言刻於瑞州府學
者示而且屬之曰學者能服膺是言體而行之則不
患不為賢人君子故謹識之不忘已今學士公復書
此以為贈則余安得不重惟先君之遺訓而感學士
之所愛以益佩服先賢之格言哉

魏驥南
齋集

沈粲

沈粲字民望度之弟善真草書尤長於詩自中書舍

人累官大理少卿自號簡菴

松江志

沈度嘗言於上云臣有弟粲其書勝臣遂亦被徵用

沈津吏

隱錄

沈簡菴草聖擅一時真行皆佳與其兄自樂學士同

在翰林遭際列聖榮遇罕比

水東日記

陸深曰國初書學吾松嘗甲天下大抵皆源流於宋

仲溫陳文東至二沈先生特以毫翰際遇文皇入官

禁近屢遷為翰林學士故吾鄉有大學士小學士之

稱民則不作行草民望時習楷法不欲兄弟間爭能

也

陸儼
山集

粲草書法宋仲珩

書史
會要

沈民望書姜堯章續書譜

事固不可知沈民望以一書遇人主備法從更百五
十年乃不能與操觚少年爭價問之人有不識者然
此卷行筆圓熟章法尤精足稱米南宮入室而所書
乃姜堯章續書譜為臨池指南皆可玩也因收而志

之

弇州山人藻

沈民望草書千文 題跋已見

沈藻

沈藻字凝清學士度子以父任為中書舍人遷禮部

員外郎亦以書名

松江志

藻真行草書並佳論者云有父風

書史會要

沈潮

沈潮度之孫永樂十九年卒年十八所為詩千餘首

手錄近代名人詩文及臨寫古法書尤多

東里集

滕用亨

滕用亨初名權字用衡避諱更今名蘇人問學辨博
文詞爾雅尤精六書之學篆法之妙高出近世永樂
三年被薦召試篆書作麟鳳龜龍四大字又獻禎符
三詩稱旨授翰林待詔

延休堂漫錄

用衡所獻禎符之詩三篇手寫副本而正書篆隸皆
具蓋用衡以能書薦起篆隸尤其所長時未授職故

欲以此自見也

匏翁家藏集

用衡正書師虞永興

書史會要

吳勤

吳勤字孟勤永新人永樂二年與修太祖實錄除開封儒學教授為文章詩歌敏而甚工善行楷書在史館時年七十矣運筆如飛館中能書者數百人嘖口稱歎常念其先舍南康故號匡山樵者居武昌又號黃鶴山樵晚更號山翁

解學士集

成祖踐極胡廣薦勤善書召見命書御製永樂大典
序例字幾萬餘勤神閒意定書至終紙點畫一無纖

訛上大悅

永新志

吳勤字有晉人風格不擇紙筆俱得其妙

書史會要

端木智

端木智字孝思溧陽人與修太祖實錄擢武庫員外
郎智在國初獲師事危太樸而宋仲珩饒介之宋仲
溫杜叔循皆篤志於書與之頡頏三四十年間遂空

冀北無以為比者

解學士集

陳宗淵

文廟嘗選中書舍人二十八人專習義獻書以黃淮
領之一日上謂淮曰諸生習書如何淮對曰日惟致
勤耳惟今翰林有五墨匠陳宗淵者亦日習書然不
敢儕諸人之列但跪堦下臨搨頗逼真因問卿嘗持
所書來否公因出諸袖中乃覽之喜甚曰此何鄉人
對曰越陳剛中之後上素聞剛中名改容久之曰自

今當令此人與二十八人者同習書淮曰然尚在匠籍又須如例與飲食給筆札俱從之且令有司落其

籍宗淵遂得入士流云

劉昌懸
笥環探

柯暹

柯暹字啓暉一字用晦池州建德人永樂乙酉領鄉

薦明年預修大典尋選入翰林歷官雲南按察使

東岡

集

柯暹善行草

書史
會要

倪維哲

倪維哲晉江人工字書文學才諳見稱永樂二年進

士官至郎中

吾學編

楊尹銘

楊尹銘鄞人永樂間以楷書進歷官中書舍人小篆

師周伯琦

張時徹寧波志

烏斯道贈楊尹銘小篆歌云元初最數松雪翁白野

亦可追其蹤鄱陽伯溫用心苦錢塘益思無限功四

明文運代不泯學字亦有前賢風三代鼎彝俱在目

楊生晚出參其中

春草齋集

劉日升

劉日升河間人以書選入翰林

解學士集

卓迪

卓迪字民逸自號清約善篆喜為詩奉母隱居絕無
聲利居山之久景趣漸涵時時見於翰墨之間奇峭
深蔚自視米南宮父子以下不論也後以能書選入

翰林

解學士集

黃守一

黃守一安福人以貲豪里門為人所誣陷亡匿新淦之玉笥撫之太華遇異人頗得其道家書符咒之屬

喜為詩學唐人楷書

解學士集

陳尚銘

陳尚銘錢塘人工書法喜吟咏縉紳重之

張昇文僖公集

楊子超

楊士奇季父

楊子超安貧守義喜為詩文工大字名其所居齋曰

蝨書

東里集

陳孔立

陳孔立

楊士奇舅

白水縣丞教人學書必謹法度曰不精

真楷不可以趨行草然其平生未嘗作楷書而行書

特佳士奇嘗以質焉笑曰汝但為魯男子不用說柳

下惠也

東里續集

尹昇

尹昇武昌人嘗為千戶為人慷慨豁達有俠氣好草
書明四聲等字之學喜賓客尤喜接儒者所居直黃
鶴樓之北面大別山據武昌勝處作小亭其中亭中

嘉客無虛日

東里
續集

李禎

李禎字昌祺廬陵人永樂中進士官至河南布政不

以書名行楷亦可觀

書史
會要

黃卓

黃卓江夏人永樂辛丑進士官翰林學士善草書亦

善章草

書史
會要

王恭

王恭字安中閩縣人自稱皆山樵者永樂四年以儒

士薦起待詔翰林與修大典授翰林典籍

靜志居
詩話

王恭善書

詹氏
小辨

虞原璩

虞原璩字叔圉瑞安人博涉經史永樂中以楷書薦

與修大典竣事將授官以母老辭歸

吾學編

季德基

季德基與虞原璩同邑亦以善書應薦母老辭歸溫

州守何文淵皆敬禮之時語人曰吾守溫州得瑞安

二隱君子焉

吾學編

張黻

張黻字孟著華亭人書學陳文東勁健有法永樂中

為中書舍人至禮部員外郎

松江志

黻行草隸書皆入神妙

書史
會要

張黼

張黼字孟昭黻之弟官中書舍人篆隸得秦漢遺法

書史

會要

夏衡

夏衡字以平宗文子永樂中沈度以善楷書薦授中

書舍人累官至太常寺卿

分省人
物考

衡篆隸有古則

書史
會要

張順

張順江西奉新人永樂中累官國子監丞學者稱為

誠齋先生工草書入妙品

書史
會要

何博

何博字宗文別號牧羊子金華人永樂中官行人治

水於吳工詩文書有晉人典則

書史
會要

平思忠

平思忠吳江人永樂中官陝西參政善行楷

書史
會要

潘暄

潘暄字時暘號半散嘉定人舉進士官至刑部郎中

善楷書行草亦能作大書

書史
會要

陳撝

陳撝字仲謙武昌人永樂中寫御容稱旨書宗趙文

敏

書史
會要

王臣

王臣字存節以能書授鴻臚序班亦善篆

書史
會要

陳廉

陳廉字平叔福清人善草書學張長史晚居黃山構

醉墨堂自號雪蓬散人

徐勣榕陰新檢

陳廉學書二十年篆籀草隸皆嘗究意而草隸尤為

時重林鴻高廷禮諸名士皆有詩美之

書史會要

陳廉草書得懷素法尤工篆隸求者如市每遇故人

興會輒解衣揮灑頃刻數十紙其他貴要求之不屑

也

福州志

胡正

胡正字端方廬陵人官御史草書用筆如篆

書史
會要

尹寬

尹寬字孟容號易齋吳江人善書

書史
會要

朱雲

朱雲吳江人善楷書

書史
會要

陳肅

陳肅號梅雪清江人能書

書史
會要

陳輝

陳輝字伯煒閩縣人舉永樂乙未進士授監察御史官終廣東按察副使工詩善鼓琴草書學懷素老而

筆力尤勁解縉雅推服之

福州府志

茹洪

茹洪字仲宏一字樊明無錫人質敏好學喜異書工

書畫永樂中以楷書薦召入都名重公卿間

無錫志

蔣暉

蔣暉字廷暉仁和人博學善楷法永樂中薦入翰林

授中書舍人歷禮部郎中兼侍書

分省人物考

周旼

字中和浦江人以文辭知名尤工真行書永樂

初召入文館與修大典擢中書舍人

鄭柏賢達傳

吳餘慶

字彥積別號斯白宜黃人能詩文尤善真草

篆隸永樂六年以薦除中書舍人歷右通政兼知制

誥評者謂其楷如美女簪花草如瑞雲飛空流水赴

壑

黃漳宜
黃縣志

金畝

金畝字希尹讀書刻苦精詣永樂間邑以楷書薦郡

守芮麟令書字以觀因書遊子吟復之遂拂袖歸

李默

建寧人
物傳

胡子昂

胡子昂盱江人能詩嗜飲字體逼趙松雪自號竹雪

瞿佑歸
田詩話

沈洪

沈洪字雄仲其先世為中吳富室萬三公中衰嘗游
京師從陳登習篆時程南雲亦有書名洪又從之學
凡漢隸八分真行章草皆能書但拘於繩墨殊乏風

韻偃蹇老於江湖

皇甫汈
長洲志

范廷珍

范廷珍字惟中洪永間人學極該洽喜吟咏字法歐

陽尤長於齋閣題署求者踵接年九十餘猶日作數

十紙

方鵬崑
山志

葛貞

葛貞字原良有至行不涉聲華樓居度文籍以自愉

鬯詩有晉唐風書法王右軍人稱為悠然先生

徐待聘上

虞縣志

劉布

劉布字孟升長樂人嗜古書法習書山中二十餘年

篆籀為時所重

閩書

俞行之

俞行之字文輔清江人善草書及章草俱工妙

皇明書畫

史

鍾誌

鍾誌字汝持閩縣人善楷書深得歐陽詢筆意

皇明書畫

史

方瀾

方澗字叔困其先莆陽人至澗居吳中閉門讀書恒

教授以自給善詩尤工筆札

吳中人
物志

曾魯

曾魯字敏道讀書好禮教授里中善楷書書法顏歐

頗得其肯綮雖老猶日課百字至今其書猶有傳者

錢肅樂太

倉州志

祝望

祝望字公望龍游人絕意仕進結廬石處山隱焉工

於琴詩尤善臨池技

萬廷謙龍
游縣志

陸仁

陸仁字良貴太倉人明經好古以詩名復工字學楷

書草書章草皆矜貴

錢肅樂太
倉州志

蘇伯厚

蘇伯厚名坤以字行建安人洪武乙丑以明經薦授

建寧訓導成祖即位與修高廟實錄擢翰林侍書遷

檢討博通書史精書法

福建
通志

凌信

凌信字尚素吳江人以楷書授中書舍人

書畫史

黃勉

黃勉字宗勉浮梁人工書翰長於律詩洪武中應善書詔擢兵科給事中坐事免永樂初起為都事進文

選郎終浙江左參政

汪宗伊浮梁縣志

梁時

梁時字用行吳江人博學工文章亦善筆札洪武二

十一年以善書薦授岷府紀善永樂初遷翰林典籍

曹一麟

吳江志

王公亮

王公亮華亭人以能書舉任吏科給事中永樂初擢

四川右布政調廣東

顧清松
江志

熊槩

熊槩字元節豐城人永樂九年登進士官至右都御

史為詩文豪偉健麗尤善草書

分省人
物考

張誠

張誠高唐人以善楷書入太學太宗見而異之授監

察御史

王汝訓東昌府志

臧性

臧性字孟庠鄆人永樂丙戌以能書徵入秘閣繕寫

永樂大典己丑成進士授成縣知縣薦授監察御史

張時徹寧波志

周冕

周冕字服卿鄞人玩心字學凡晉漢碑刻晉唐法書

必探其精妙永樂中以能書與修大典除正字遷右

春坊號訥菴

同上

梁礪

梁礪字子善以楷書纂修永樂大典為大興知縣

符衍

溧陽

志

沈洪 彭戢 潘吉

沈洪字巨源與彭戢汝翼潘吉文迪並善楷書與修

永樂大典洪擢戶部主事戢授樂安丞吉為中書舍

人

秦夔無錫志

張緒

張緒字廷端

與夏仲昭同時

居鄉校有才名以薦為會昌侯

府教授詞筆通贍楷法端勁

常熟志

陸伯倫

陸伯倫太倉人工楷書永樂中薦為中書舍人

太倉州志

陳琮

陳琮字叔正吳江人能詩書法適美永樂初徵書誥

勅

松陵
文獻

夏宗文

夏宗文華亭人善真草隸書名重於時預修永樂大

典授廣平主簿

松江
志

范鼎

范鼎字文鉉華亭人善屬文精書法以薦預修實錄

書成將授官固辭歸授徒於家別號桂樓時稱桂樓

先生

松江志

周賢

周賢字思賢太倉人善書法永樂中詔修大典以母

老辭歸號惠齋先生

太倉州志

邱宗

邱宗華亭人永樂中以楷書辟舉修永樂大典除中

書舍人大理寺正

松江志

趙楷

趙楷字宗範精字學永樂中以楷書除廣西都昌縣

丞

太倉
州志

柴仲

柴仲江山人永樂中以楷書舉仕至參議

吾
府志

沈潤

沈潤武義人永樂六年應楷書例入監任監察御史

武義

縣志

趙友同

趙友同字彥如金華人少從宋景濂游攻古文辭善

書為華亭訓導與修永樂大典

松江志

方正

方正合肥人由楷書任工部主事終福建左布政

陳鐸 葉藻

陳鐸葉藻巢縣人並以楷書任給事中

朱鏞廬州府志

唐文楷

唐文楷字子彰以善楷書徵至文淵閣與修永樂大

典欲官之以母老懇歸教授於鄉

徽州府志

胡宗敏

胡宗敏歙人永樂十六年以楷書徵赴文淵閣宣德

九年除泰安知州

同上

李勝

李勝字仲質以楷書薦預修永樂大典已而中鄉舉

授無為州判官

劉繼善南平縣志

江得

江得東流人永樂五年以楷書充貢官至按察司僉

事

池州府志

王賓

王賓諸生善楷書永樂六年以楷書被徵授中書舍

人遷禮部郎中

黃承璉海寧縣志

許性

許性善楷書永樂六年與王賓同被徵授贛州府同

知遷刑部郎中

同上

范暹

范暹字起東號葦齋吳人蔣廷暉之婿工書法

韓昂
圖繪

寶鑑
續纂

張頤

張頤錢塘人永樂五年以楷書生員選授禮部郎中

杭州
府志

范能

范能字仲能崑山人精醫學善吟尤工法書永樂初

被徵母老力辭

方鵬崑
山志

趙遠

趙遠字弘仲崑山人永樂中由楷書授臨朐縣丞遷

禮部主事擢河間知府

周世昌
崑山志

黃蒙

黃蒙字養正以字行善楷書永樂中授中書舍人官

殿坊扁碑刻多其所書

溫州
府志

黃約仲

黃約仲名守以字行永樂初徵至京師試上林曉鶯
天馬詩擢第官翰林典籍進檢討精楷法詩得唐人

門徑

陸夢祖興
化府志

張憬

張憬甬東人善詩文小楷行草師鍾王

寧波
志

曹壽

曹壽字曼齡豐城人文章雅贍尤工臨池永樂八年
以經明行修薦授江都訓導擢春坊右司諫歷工部

尚書贈太子少保謚文莊

廬廷選南
昌府志

黃童

黃童字仲器懷安人事母盡孝永樂中以楷書徵入

文淵閣繕寫大典書成拜官乞終養母累徵不起

閩書

曹衡

曹衡字士望青浦人精敏好學尤善真行草書仕至

工科給事中

青浦志

陳敏

陳敏松江人永樂中以能書徵除知茂州陞四川參

政

松江府志

俞宗大 俞珙 俞順

俞宗大善楷法以薦授中書舍人歷吏部郎中致仕

松江府志

俞珙宗大子亦能書為中書舍人

同上

俞順

宗大孫亦能書仕終南京鴻臚寺丞

同上

王可與

王可與字希與能文善書永樂間以賢良薦不就

括蒼

志

楊弘

楊弘字德弘以楷書拔萃授宜春知縣

周士英義
烏縣志

唐子儀

唐子儀名文鳳以字行歛人善真草隸書辟教紫陽
書院尋以薦授興國令文皇擢為趙王府紀善後調

洛陽丞

分省人
物考

陳儀
陳佑

陳儀字羽伯常熟人通篆隸能鑒古器物

蘇州府志

陳

佑字惟孝儀子篆刻尤精亦善鑒古有小篆千文

同上

王建中

王建中字懋德閩縣人官博士草書學陳廉聲價重

一時

福州府志

孫玉

孫玉字彥暉慈谿人洪武中其父為人所誣械送京師卒於道玉年十二即匍匐反櫬歸葬及長受徒養

母力學不懈工詩善草書嘗舉賢良方正不就又以

明經薦亦不就

張時徹
寧波志

田致平

田致平字叔衡奉化人為詩累千百言字用章草篆

隸書帖應答無倦初為里童子師比老不出方丈之

室號夢覺關

同上

王毓

王毓字用賢鄞縣人工隸書自號香雪坡老人

同上

林銘

林銘字良箴長樂人工詩文草書琴尤精嘗與王恭

高棟往來自號琴樂子棟有琴歌贈之

閩書

陸友仁

陸友仁名輔以字行華亭人沈粲弟子也善楷書官

中書舍人遷禮部主事

松江府志

李熹

李熹字景豫號琴清道人博雅能詩書法趙文敏晚

更號來鶴

鎮江府志

丁禮

丁禮字思敬號蘭室耽吟咏工書札永樂中獻周禮

補註

同上

馬端

馬端工楷書永樂中人仕至壽州知州

褚相霍州志

鍾誌

鍾誌字汝持閩縣人善楷書深得歐陽詢筆意

張衡

張衡字以平詩筆清麗書法道美被徵入京師書誥

勅以老乞歸

鄧韜常
熟志

鄒穎

鄒穎字會原有清才書學趙孟頫得意可亂真兼善

篆隸以薦為四夷館儒士

同上

龐叙

龐叙字明叙吉水人永樂初詔郡縣舉善書士隸兩制書詔勅又簡其尤者十數人從學士於內閣明叙與馬除中書舍人洪熙初為禮部儀制郎中

東里續集

伊恒

伊恒吳人字宗有少從博士弟子遊書蹟甚善召侍東宮洪熙初與修撰金問同被命侍詔闕前進符璽

少卿

續文獻通考

劉仲珩

劉仲珩泰和人洪熙中官蜀府長史工正書有書法

要覽刻石行世

書史
會要

姜濬

姜濬字子澄工書仁廟在東宮召寫金字經洪熙中

授中書舍人歷稽勲主事出守雲南廣南府

劉思敬
存徵錄

衛靖

衛靖字以嘉崑山人洪熙初以能書薦入直文淵閣

進禮部主事

劉鳳續吳
先賢贊

曾祭

曾祭字子啓永豐人永樂二年進士第一人授翰林修撰讀書文淵閣宣宗時為少詹事贈禮部左侍郎謚襄敏工書法草書雄放有晉人風自解胡後獨步

當世

吾學編

曾子啓蘇武慢詞帖行書

曾襄敏賞菊詩序帖

見式古堂書畫彙考

李時勉

李時勉名懋以字行安福人永樂二年進士選庶吉

士讀書文淵閣宣宗時進侍讀學士後為國子祭酒

贈禮部侍郎謚忠文善書鈎畫之內聚精藏鋒一筆

不苟

吾學
編

忠文清風勁節風表百世而書法乃婉媚而有致

州

續
藁

李文毅與苗學士詩簡楷書 李祭酒呈都帥詩簡

行書 李古廉青山詩話楷書

式古堂書
畫彙考

陳敬宗

陳敬宗字光世慈谿人永樂甲申進士選庶吉士宣德時為國子祭酒德望文章名聞天下別號澹然居

士

列卿紀

敬宗小楷斐疊饒晉人意負臨池名固不虛也

翁州續藁

敬宗行草任筆成形如蒼虬老檜鐵屈銀蟠但欠圓

熟耳

書史會要

陳祭酒古婆詩帖行楷書

式古堂書畫彙考

凌安然

凌安然字晏如歸安人自少力學尤工書楷書學晉小篆師秦相永樂中薦授中書舍人宣宗時為右僉

都御史

列卿紀

龔永吉

龔永吉字天民義烏人善楷書得鍾王之法永樂庚子舉於鄉會試乙榜不就入太學宣德初授兵部職

方主事終南京大理寺卿

列卿紀

蔣驥

蔣驥字良夫錢塘人舉庚辰進士授行人宣宗時為

禮部侍郎素善筆札嘗奉命書烈女傳

列卿紀

陳璉

陳璉字廷器東莞人洪武庚午舉人宣德中為南京

國子祭酒後調南京禮部侍郎文詞典重著作最多

列卿紀

璉詞翰俱清雅

王世貞國朝名賢遺墨跋

黃翰

黃翰字汝申華亭人永樂壬辰進士宣德中為山東按察使詩文豪健敏捷字畫亦遒勁行草題署得名

顧清松

江志

翰善隸書工章草筆力雄健而有則與宋仲溫相髣

髴

書史
會要

吳凱

吳凱字相虞崑山人為弟子員以工書被選修永樂

大典還以貢上中順天府鄉試宣德五年授刑部主事改禮部遂乞歸養私謚貞孝先生

震澤集

吳惠

吳惠字孟仁宣德中以進士授行人歷官廣西參政

好賦詩善行草

王鏊震澤編

劉實

劉實字嘉秀號敬齋安城邑東竹江人宣德進士入

翰林官終南雄守為詩文時有高趣草書飄逸師晉

體

書史
會要

陳紹先

陳紹先字宗述吳縣人為文簡質書亦清媚宣德初

徵授荊州府學教授遼王奏授紀善謝歸以筆硯自

食人購之不輕與

蘇州
志

盧瑛

盧瑛字克修

熊曾孫

宣德五年進士性敏學博工古文

篆籀終刑部主事

崑山人
物傳

陸贊

陸贊字順德海鹽人宣德間以詩文名兼善篆隸為人嚴毅莊重以禮法自持鄉人謚之曰貞一先生

海鹽

圖經

陸贊書法宗智永而自成家篆隸八分間出于詞翰中平生文事思緩筆精始終無急就之作

方洲集

黎斌

黎斌華容人宣德間舉楷書為寧縣丞

懷麓堂集

蕭曰賓

蕭曰賓年少而喜書嘗闢一軒盡取晉唐以來諸家

法帖藏其中并置筆墨臨寫之顏之曰學書軒

曾榮西墅

集

彭叙古

彭叙古善書楊東里挽詩云年過二十工書法往往

揮毫逼古人

書史會要

李昶

李昶字啓明姑孰人以醫名於時且好讀書能吟詩

善楷書

清河書
畫舫

沈愚

沈愚字通理崑山人以詩名與劉溥諸人稱十才子

善行書曉音律詩餘樂府傳播人口或勸之仕曰吾

非籠絡中物也歛跡不出業醫授徒以終其身

崑山
縣志

謝克銘

謝克銘

號用
拙

太倉人宣德間以草書馳名

吳中人
物志

劉淵

劉淵字伯廣江陵人天資俊逸字法趙松雪詩效薩
天錫宣德九年舉經明行修授京山教諭

周號

周號字德元崑山人有司兩以賢良薦不就工於篆

隸凡碑碣題署多出其手

蘇州志

莫藏

莫藏字用行初號佩觿子後更號素軒博書史善篆

隸行楷古文字書

陳暹海鹽縣志

姚綸

姚綸字允言嘉善人為詩清麗有思致書法得晉人

體隱居教授

嘉善縣志

陳旭

陳旭字叔旦閩縣人亦善楷書士大夫皆重之

福州府志

陳琦

陳琦天長人精書法為工部主事

張鑑天長縣志

周許

周許字時顯和敏得士愛為吉安府學訓導善草書

超縱有神正書小字清媚可觀

常熟志

薛章 孫詡

薛章字大章孫詡字甫卿同學張羽書後皆以隱終

同上

朱天宥

朱天宥字洪恩正書學沈度草倣解縉

同上

張潮

張潮字思信自幼嗜學尤精於書隱居授徒未嘗輕

出

方鵬崑
山志

蘇復

蘇復字性初長洲人以貢仕至綿州知州書得晉人

筆意

蘇州
府志

包公慶

包公慶號九芝山人松陽人能詩文善書劄見重於

世括蒼志

支子傑

支子傑嘉興人工詩善行草書

支如玉支子述餘

六藝之一錄卷三百六十三